



Pou Piblikasyon Imedya: 31/03/2023

GOUVÈNÈ KATHY HOCHUL

GOUVÈNÈ HOCHUL ANONSE 1.4 MILYON DOLA POU EDE REZIDAN LÈS BUFFALO YO KE FIZIYAD NAN TOPS MARKET LA AFEKTE

*Sibvansyon yo pral finanse inisyativ sou byennèt ki enpòtan nan nivo kiltirèl ak
kominotè nan Lès Buffalo*

**Yo kontinye aksepte aplikasyon pou dezyèm faz finansman an atravè inisyativ
'Reyimajine: Mwen se Chanjman an'**

Gouvènè Kathy Hochul te anonse jodi a plis pase 1.4 milyon dola nan finansman federal pou sipòte pwogram sante mantal nan Lès Buffalo apre fiziayd trajik nan Tops Market ane pase a. Prim yo, ke Biwo Sante Mantal (Office of Mental Health) Eta a administre, gen ladan finansman pou sis òganizasyon kominotè pou bay yon seri resous sante mantal pou ede rezidan yo ke fiziayd poutèt zafè ras ki te touye dis moun ane pase a te afekte.

"Amezi manm kominote Lès Buffalo yo kontinye geri apre fiziayd nan Tops Market la, nou rete angaje pou nou leve defi sistemik yo pou ede rekipere ak rekonsti pi djam", **Gouvènè Hochul te deklare.** "Anpil nan moun sa yo kontinye fè fas ak estrès, laperèz, kòlè ak santiman dezespwa ke trajedi sa a te lakòz. Pwogram yo ke prim sa yo finanse pral ede kominote sa a geri epi rekipere anba estrès ak chòk yo kontinye sibi akòz fiziayd terib sa a".

Komisè Biwo Sante Mantal la, Doktè Ann Sullivan, te deklare, "Twomatis nan fiziayd la, ak pèt vwazen, zanmi, ak fanmi, se yon bagay devastatè. Prim sa yo pral ede bay sipò ak sèvis ki nesesè anpil pou yon kominote ki te soufri anpil".

Sekretè Asistan HHS pou Sante Mantal ak Itilizasyon Sibstans ak Lidè SAMHSA, Miriam E. Delphin-Rittmon, Ph.D., te deklare, "Nou espere ke fon sa yo pral kontinye ede moun nan kominote Buffalo jwenn sèvis ak sipò yo bezwen pou ankouraje rezistans. Nou rekonèt doulè ak tomatis yo pèsiste, yon bon tan apre kouvèti medya a disparèt, epi nou vle kominote a gen resous ki nesesè pou travay atravè enpak kontinyèl trajedi sa a sou sante mantal ak byennèt jeneral".

Sibvansyon an bay 1 milyon dola pou etabli 'Reyimajine: Mwen se Chanjman an,' yon fon ki dedye pou sipòte inisyativ byennèt lokal ak kominotè yo ki ede konble yon mank

nan Lès Buffalo pou byennèt mantal ak pratik gerizon ki enpòtan nan nivo kiltirèl ki gen ase resous, byen kowòdone ak komèsyalize. Premye seri benefisyè prim yo enkli:

- **Community Health Center of Buffalo, Inc:** Atizay ki geri; 100,000 dola
- **Buffalo Federation of Neighborhood Centers, Inc:** Geri ansanm: Yon Kolaborasyon Gerizon Fanmi ak Kominote; 50,000 dola
- **Confident Girl Mentoring:** Sipò pou Timoun ki afekte pa twomatis; 40,000 dola
- **Cultrue, Inc:** Nouvo Mèt Gerisè Buffalo atravè Atizay; 126,200 dola
- **Pappy Martin Legacy Jazz Collective:** Seri Byennèt Celestial Jazz; 128,000 dola
- **The Galactic Tribe:** Wakademy; 95,000 dola

Yon lòt 363,250 dola pral sipòte Ekip Repons Sante Mantal Nwa, yon ekip klinisyen Nwa/Afriken Ameriken ki devwe ak lòt anplwaye sante mantal ke BestSelf Behavioral Health jere pou bay aksè rapid nan sansibilizasyon, angajman, ak sipò klinik pou sante mantal ki pwofesyonèl ak apwopriye nan nivo kiltirèl pou rezoud mank ki egziste deja nan sipò terapeutik ak lòt sipò sante mantal pwofesyonèl sante mantal Nwa/Afriken Ameriken yo bay nan Lès Buffalo.

Finansman an pral bay tou 116,609 dola pou inisyativ Fòme Fòmatè Premye Swen Sikolojik pou kreye yon gwoup moun lokal nan kominote ki afekte yo ki fòme pou yo bay fòmasyon. Modèl yo rekonèt nan nivo nasyonal sa a fèt pou ede moun yo fè fas a estrès, chòk, konfizyon, laperèz, santiman dezespwa, chagren, kilpabilite ak retrè ki dekoule de yon evènman twomatizan ki te rive.

Yo te bay finansman pou prim yo atravè yon sibvansyon 2.35 milyon dola pou respons ijans ki soti nan Administrasyon Federal pou Abi Sibstans ak Sèvis Sante Mantal pou bay sipò pou rezidan Lès Buffalo yo. Sibvansyon sa a sipòte yon apwòch global nan swen sante mantal ki gen ladan twa eleman pwogram prensipal yo, ki gen ladan inisyativ byennèt, sansibilizasyon sou sante mantal ak fòmasyon.

Senatè Charles Schumer te deklare, "Nou p ap janm blyie fiziyad an mas trajik, rayisab nan Tops Market la nan Lès Buffalo, epi nou dwe bay resous ki nesesè pou gerizon. 1.4 milyon dola nan finansman federal sa a pral bay resous sante mantal pou gwoup yo ki nan kominote a pou jwenn swen pou moun ki plis bezwen li. Buffalo ki se Vil Bon Vwazen yo epi sa pa pi vrè okenn kote pase nan Kot Lès la. Mwen pral kontinye goumen pou founi resous federal yo bezwen pou ede vwazen yo ede youn lòt epi pran swen youn lòt pandan n ap poze fondasyon pou yon demen miyò".

Reprezantan Brian Higgins te deklare, "Ede kominote nou an rekonsti ak rekiperé apre fiziyad an mas rasis nan makèt Tops sou Jefferson Avenue nan Buffalo vle di investi nan resous kominotè ke mesaje yo fè konfyans yo founi", Brian Higgins te deklare. "Pandan n ap pwoche anivèsè yon ane trajedi 14 me a, kominote nou an toujou ap lamante pèt vwazen nou yo epi blesi yo toujou resan. N ap bay finansman federal ki

pral bay rezidan Lès Buffalo yo sipò nan kominote a ki mennen nan rekiperasyon alontèm apre jounen twomatik sa a".

Biwo Sante Mantal la kontinye aksepte aplikasyon pou yon dezyèm seri prim jiska 28 avril. Pou plis enfòmasyon oswa pou resevwa yon aplikasyon tanpri kontakte wnyfo.info@omh.my.gov.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)